

David Montalà i Palau, secretari generau deth Conselh Generau d'Aran,

**CERTIFIQUI:**

Qu'eth Conselh de Govèrn, en session ordinària de 16 d'abriu de 2018, adoptèc, entre d'auti, er acòrd següent e que transcrit literaument ditz:

**“11au.- APROBACION, SE PROCEDÍS, DERA DECLARACION DESÈRTA DERA LICITACION DERA CONTRACTACION DES SERVICIS D'ASSEGURANCES RAMADÈRES E APICÒLES ENTARA COMPENSACION DE DAMNATGES DE FAUNA SAUVATJA MEJANÇANT PROCEDIMENT DUBÈRT, DAMB TRAMITACION ORDINÀRIA.-**

Vist er acòrd de Conselh de Govèrn de 5 de març de 2018 d'aprobacion deth plec de clausules administratives particulars e des plecs de prescripcions tecnicas, der expedient de contractacion e dera licitacion des servicis d'“*Assegurances ramadères e apicòles entara compensacion de damnatges de fauna sauvatja*”.

Dat que finalizat eth tèrme de quinze (15) dies naturaus de presentacion de prepauses conforme era clausula 8au, non cònte coma presentat en Registre d'Entrada d'aguesta Corporacion cap licitador.

Cossent damb tot açò expausat, e vist er article 151 e concordants deth Reiau Decret Legistatiu 3/2011, de 14 de noveme, peth quau s'apròve eth Tèxte Rehonut dera Lei de Contractes deth Sector Public (TRLCSF), se prepausa ath Conselh de Govèrn declarar desèrta era licitacion d'aguest servici, en tot tier en compde qu'era adopcion d'aguest acòrd ei competència deth Conselh de Govèrn, en vertut des delegacions efectuades peth sindic d'Aran, mejançant Decret num. 243/2015, de 15 de junh [BOP de Lleida num. 138, de 21 de junhsèga de 2015, e DOGC num. 6919, de 23 de junhsèga de 2015].

Un còp sosmetuda era prepausa a votacion e debat, eth Conselh de Govèrn *acòrde per unanimitat* des quate (4) membres presents deth totau de quate que formen aquest organ collegiat:

Prumèr.- Declarar desèrt eth procés dera contractacion des servicis d'“*Assegurances ramadères e apicòles entara compensacion de damnatges de fauna sauvatja*”, mejançant procediment dubèrt, damb tramitacion ordinària, cossent damb çò previst enes articles 22, 115 e 151 deth Reiau Decret Legistatiu 3/2011, de 14 de noveme, peth quau s'apròve eth Tèxte Rehonut dera Lei de Contractes deth Sector Public.

Dusau.- Ordenar era modificacion des plecs de prescripcions tecnicas particulars dera contractacion des servicis d'“*Assegurances ramadères e apicòles entara compensacion de damnatges de fauna sauvatja*” entà ajustar eth sòn contiengut, garantir era prestacion deth servici e evitar ua nau licitacion desèrta.

Tresau.- Ordenar, un viatge dat compliment ar acòrd anterior, ua naua licitacion der expedient CGA 2018/007/CPR-PD (PMMN), corresponent as servicis d'“*Assegurances ramadères e apicòles entara compensacion de damnatges de fauna sauvatja*”.

Quatau.- Dar publicitat d'aguest acòrd en DOGC e en Perfil deth Contractant.

Cincau.- Notificar aguesti acòrds ara Tresaureria deth Conselh as efèctes oportuns.

Siesau.- Facultar ath sindic d'Aran, en nòm e representacion deth Conselh Generau d'Aran, entara signatura de quanti documents publics e/o privats siguen de besonh tà her efectives era tramitacion e execucion des acòrds anteriors.”

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau cònte ar efècte oportun, signi aguest certificat d'orde e damb visteplatz deth Sindic.

Vielha, 17 d'abriu de 2018

Vist e platz  
Eth Sindic



Carlos Barrera Sánchez

NUM. REGISTRE ENTITAT: 0609018 - CIF: P-7500011-G